

SCRIPTA

Numéro Scripta : 4923

Auteur(s) : Thomas de Houlegate, de Sotteville [particulier]

Bénéficiaire(s) : Pont-de-l'Arche, Notre-Dame de Bonport (abbaye)

Genre d'acte : charte

Authenticité : non suspect

Datation : 1264, avril

Action juridique : vente

Langue du texte : latin

Analyse

Thomas de Houlegate vend aux religieux de Bonport 6 sous de rente à Sotteville.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CCLVII, p. 262-263.

Dissertation critique

Avril 1264 ou 1265 : Pâques tombe le 20 avril en 1264 et le 5 avril en 1265.

Texte établi d'après a

Notum sit omnibus, tam presentibus quam futuris, quod ego Thomas de Houlegate, de parrochia Sancti Baudelici de Sothevilla, vendidi, concessi et omnino dereliqui viris religiosis abbati et conventui Boni Portus, ad usus porte ejusdem domus, sex solidos monete usualis, annui redditus, sitos super unam pechiam terre quam habeo in parrochia supradicta, inter terram Roberti de Vico, ex una parte, et terram Egidii de Goy, ex altera, pro quadraginta et duobus solidis turonensium quos ab eisdem pre manibus recepi, tenendos et habendos et in perpetuum percipiendos dictis religiosis et successoribus suis de me vel heredibus meis, vel a quocumque dictam terram tenente, libere, quiete et absolute ab omnibus reddendos, singulis annis, videlicet ad festum Sancti Egidii abbatis. Et sciendum quod ego Thomas et heredes mei dictis religiosis et eorum successoribus dictum redditum contra omnes tenemur garantizare et deffendere ad usus Normannie, vel, si necesse fuerit, in propria hereditate nostra melius apparenti ad valorem exchambiare. Preterea sciendum est quod terram prenominatam ego vel heredes mei nullo modo poterimus vendere, dare, exchambiare, in elemosinam conferre, feodare, sive alio titulo alienare, nisi de ipsorum monachorum voluntate et licentia speciali. Et super eandem terram dicti monachi suam plenariam justiciam poterunt exercere pro redditu et emenda, et si aliqua deperdita ratione nostri seu defectu sustinuerint, tenemur eis totaliter resarcire, et soli sermoni eorum credere sine alterius probatione. In cujus rei testimonium, presenti scripto sigillum meum apposui.

Actum anno Domini M° CC° sexagesimo quarto, mense aprili.

Testibus hiis : Domino Johanne, presbitero ; Thoma Dehors ; Thoma Germani ; Guillermo, dyacono ; Guillelmo Anglico, et pluribus aliis.